



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XXI. De Decanis Monasterii. Si numerosa manus videatur egere, Decanus
Denos quosque regat, præsidioque tegat.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

*Vel melius : quandocunque omnes simul
conveniunt ad orandum, meditandum &c.
idque propter tepiditatem aliquorum, &
varia aliorum impedimenta.*

i) Seu Præside, vel p. t. Supremo.

26. vel 27. FEB. 28. JUN. 28. OCTOB.

CAPUT XXI.

De Decanis Monasterii.

Si major *a* fuerit Congregatio, eligan-
tur de ipsis *b* Fratres boni testimonii,
& sanctæ conversationis, & constituantur
Decani *c*, qui sollicitudinem gerant su-
per Decanias *d* suas in omnibus *e* se-
cundum mandata Dei, & præcepta Ab-
batis sui. Qui Decani tales eligantur *f*,
in quibus *g* securus Abbas partiatur on-
era sua: & non eligantur per ordinem,
sed secundum vitæ meritum & sapien-
tiæ doctrinam. Quòd si quis ex eis ali-
quâ fortè inflatus superbiâ, repertus fue-
rit reprehensibilis; correptus semel & ite-
rum *h* atque tertio, si emendare nolue-
rit, dejiciatur *i*, & alter in loco ejus, qui
dignus

dignus est, subrogetur l. Et de Præposito in eadem n constituimus.

- a) De hac dicetur infra c. 31. sub finem.
- b) Subintellige, qui sunt in Congregatione. Alii legunt de ipsis Fratribus, & subaudiunt, aliqui.
- c) Ex l. Exodi c. 18. ubi in Hebræo dicuntur Principes sive Præpositi super decem: quo sensu etiam accipiuntur apud Monachos, teste S. Aug. Isidoro &c. Dicuntur etiamnum haberi apud Cassinenses; apud alios plerosque Monachos nomen exolevit, inolevitque apud Canonicos.
- d) Sive decurias, id est, denos Fratres sibi subiectos.
- e) Tam spiritualibus, quàm regularibus.
- f) Præcipuè secundùm iudicium Abbatis, propter sequentia. Ex Columbano Vrancx.
- g) Sive de quorum virtute & prudentiâ securus.
- h) Eleganter pro secundò.
- i) A tali Officio.
- l) Id est, loco ipsius constituatur Decanus.
- m) Quem modò Priorem appellamus.
- n) Intellige, quoad depositionem, non verò

quoad numerum præviarum admonitionum; hic enim quater monendus est juxta cap. 65.

27. vel 28. FEB. 29. JUN. 29. OCTOB.

CAPUT XXII.

Quomodo dormiant Monachi.

Singuli per singula lecta *a* dormiant lectisternia *b* pro modo conversationis *c* secundum dispositionem Abbatis sui accipiant. Si potest fieri, omnes in uno loco dormiant *e*; Si autem multitudo non finit, deni aut viceni cum Senioribus *f*, qui super eos solliciti sint, pausent *g*. Candela jugiter in eadem cella *h* ardeat usque mane *i*. Vestiti dormiant *l*, & cincti cingulis *m* aut funibus: & cultellos suos ad latus non habeant, dum dormiunt, nè fortè per somnum vulnerentur *n* dormientes: & ut parati sint Monachi semper, & facto signo absque morâ surgentes, festinent se invicem prævenire ad Opus Dei, cum omni tamen gravitate & modestiâ. Adolescen-